



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Christi immensa humilitas in iniurijs, & despectibus perferendis.

urn:nbn:de:hbz:466:1-45699

tone purpuram cogitatis. Discite vos, Satrapæ, è summo demitere, &c, posita maiestate, officia etiam minus splendida suscipere, tractareq; negotia vobis subiectorum. Discite descendere, qui nullum supra vos vultis pati.

2. Nemo, nisi *humilis corde*, si sit felix, amat ærumnas; nemo quieti præfert laborem; nemo delicijs dolorem; diuitijs paupertatem; nemo palatijs mapalia; titulis grandibus ignobiliterem; honoribus despectum anteponit. Christus, cùm esset in Ioan. I, 18¹ *filiu Patri*, è cælesti patria, in Galilæam regionem tunc temporis contemptissimam, atq; ad miseras nostras descendit, in labo- ^{Psal. 87, 16²} ribus à iuuentute fuit; de paupere Parente, in paupere casa, nasci, in præsepio reponi, cum humilibus conuersari voluit; neque se regem creari à populo passus est; sed cùm esset Dei Filius, fabri- ^{Ioan. 6, 35³} ^{Marc. 6, 3⁴} lius appellatus, animo æquissimo sustinuit. Numquid igitur ve- rè *humilis corde* extitit? qui & nudis pedibus obambulavit, & as- no vectus est, triumphatus, pedesq; lauit discipulorum; num- quid *humilis corde* fuit? Numerat Fulgosus, inter Ludouici XI. Fulgosus lib. Gallorum regis laudes, quod asinum nonnumquam pro eq̄uo ad. 3. cap. 6.

hibuerit; & cùm alij reges auro sericoq; amicirentur, lana aut bombyce indutus fuerit. Christus nullo vñquam equo vñsus, veste vilissima amictus, numquid magis *humilis corde* fuisse censendus est? O quām hīc multa sunt à nobis discenda! quæ quam diu non discimus, verè *humiles corde* non sumus. At Dei Mater didicit: ast alij sancti didicerunt; nec quidquam feceré contra aut suam dignitatem, aut rei ipsius veritatem. Nos, quòd deteriores sumus, eò delicatiùs volumus tractari, molliùs vestiri, sumptuosius con- uiuari.

3. Nemo, nisi *humilio corde*, contumelias, alapas, flagra, sputa, denique crucis summam infamiam potest patienter sus- tinere. Omnis superbus impatiens est; omnis superbus cogitat vindictas. Tametsi enim, ad tempus, dolorem corde premat, vul- tuq; patientiam simulet, vt patientia laudem capter; animo ta- men Diras coquit, & execrationes. Christus infamiam, maledi- cta, colaphos, virgas, flagella, foedissima militum phlegmata in diuinā facie proiecta, ipsum patibulū & mortem cum latronum morte communē, æquissimo animo tolerauit, numquid ergo *hu-*

N n n 2

milio

VI.

VII.

milis corde fuit? Et verò tunc de qualibet vindicta cogitauit? orauit pro crucifixoribus; atque ut eos excusaret, nescire eos dixit, quid facerent. Quod si vis altiorem humilitatis gradum; tam parui estimat atrocissimas sibi iniurias ab hominibus illatas, ut, cum eas posset aeternis ignibus vindicare, ad unum gemitum peccatoris, illico etiam sexcentas remittat. Putas, nullum superesse altiorem gradum humilitatis? Supereft. Nam non solùm facilis est noster Iesvs, ad omnes iniurias etiam infinitas, & infinitè quodammodo acerbas ac malitiosas in se perpetratas ex animo remittendas; sed etiam paratus est ex ijs, quib. ex animo dolentibus veniamq; postulantibus millies & millies, & centies millies relabentibus, & enormissimè delinquentibus omnia condonavit, si denuò cadant, & denuò resipiscant, denuò stolam pristinam reddere, gratiam & gloriam impertiri, eosq; in filios suos, & regni cælestis hæredes adoptare. Quid quod ipsos adhuc eiuscemodi hostes, & tam contumaces inimicos suos, admirabili proslus & incomprehensibili maiestatis suæ demissione, insigniq;, immò immensa patientiæ & bonitatis demonstratione, varijs vijs & modis, per internos S. Spiritus instinctus, per Angelos, per concionatores, per spirituales Patres, per exempla piorum, per morbos, & terrores, per beneficia, per minas & blanditiias reuocat, ut vel tandem oculos aperientibus, & ad frugem redire volentibus possit veniam indulgere; & quantumvis à se auersis pœnam vindictamq; aeternam, vel omnino expungere, vel saltem in temporalem conuertere? Quid, quod lædentibus, dum lædunt, beneficia refundit? Nonne Longino, dum lancea latus eius aperuit, aperuit oculos, ut videret, in quem transfigeret? Miranda pietas, dum fauciatur, sanat; & quod hasta subit, inde sanguis & aqua exit in medicinam. Nonne hoc est esse verè *humilem corde*? Has omnes & nos humiliandi rationes haberemus, si à Christo discere vellemus, quia *mitis* est, & *humilis corde*. Potuit Christus, potuit B. Dei Mater, potuit Stephanus, & alij Sancti se se vilipendere, & his modis omnibus humiliare? Cur nos non possemus? immò cur non deberemus?

VIII.

At Sancti in infimo quoque loco, atque, etiam infra ipsos peccatores, se se demiseré? Christus id sane non potuit, quia impecabilis